

## Соғинганим Расулим



11:30 / 28.10.2019 2093

Ассалому алайкум, «Islom.uz» портали масъул ходимлари. Анчадан бери ўйлаб юрган ниятимни амалга ошириш мақсадида дил изхоримни ёзишга қарор қилдим.

Пайғамбаримиз Мұхаммад соллаллоҳу алайҳи васаллам бутун борлық аввалги ва охирги пайғамбарларнинг энг буюғи яъни, энг азиз, энг мұкаррами, энг мұхтарами, энг севимли инсоним. Дунё яратилишига сабабчи Роббимнинг дўсти, хатто фаришталаргода дўст бўла олган хурматга лойик эъзозга муносиб инсоним. Ўртамиизда бир неча аср вақт ажратиб турсада, сизни қалбим ила таниган сизга талпинган, нурли дийдорингизни бир бор кўриш илинжида ҳар кеча Аллоҳдан илтижо қилиб сўрашни канда қилмайман. Равзай муборакни зиёрат қилиш баҳтини наслб этсин дея ёлвориб чарчамайман. Ҳар бир гиёҳда Роббимнинг қудратини кўрсам, ойни кўрганимда янада хаяжоним ортади. Бу ой сизнинг туғилишингизга, улғайиб ўсишингизга, пайғамбарликнинг синовларию мashaққатларига бари-барисига шоҳид. Бу нақадар гўзал нақадар баҳтли, нақадар азиз бўлдики, Роббим қудрати билан Расулуллоҳ соллаллоҳу алайҳи васалламга бўйсунган холда иккига бўлиниб сизнинг хақ Пайғамбар эканингизни тасдиқлади. Ойга ҳар сафар қараганимда ўша ходисани эслайман беихтиёр кўзимдан сизга бўлган соғинчим ёш билан бирга оқиб кетади. Сиздаги заковат, ҳусни ҳулқ, одоб-ахлоқ мукаммал ҳеч бир нуқсонсиз чиройли тарзда биз умматларингизга буюк намуна бўлиб қолажак. Ҳар сафар сизни соғинсам, кўргим келса, кўзларимни юмаману

олис ўтмишга Мадина тупроқларидан қўним топган равзангизга ғойибона бориб келаман. Ҳавосидаги мушк хидингизни туйгим, қабрингизни олдида соатлаб қолиб кетгим келади. Ўртамиизда мингларча километр масофа бўлсада, асрлар оша сиз билан кўришишни орзу қилиб яшаяпман. Ичимдан кўнглимнинг туб-тубидан жой олган баъзи ҳисларимни тарифлашга ожизман. Қисқача тўхталиб ўтганим шулардан иборат. Умматингиз бўлиб шафоатингиз умидида Саодат Аҳмад.

Ойдан нурли жамоли

Кўқдан тиник тимсоли

Насибмикин висоли

Соғинганим Расулим

Охиратдан умидим

Жаннатдаги Ҳабибим

Юракдаги орзуим

Соғинганим Расулим

Хаётдаги мақсадим

Йўлчи юлдуз чақнагин

Кавсарларга бошлагин

Соғинганим Расулим

Тушларимга кирсангиз

Муштоқ бўлиб кутарман

Насиб этса етарман

Соғинганим Расулим

Лойиқманми кўрмоққа

Етарманми тилакка

Соғич тўлди юракка

Соғинганим Расулим  
Жамолингиз күрсайдим  
Дийдоризга түйсайдим  
Мушк ҳидиздан туйсайдим  
Соғинганим Расулим.  
Чанг бўлиб тупрок бўлиб  
Оёғингиз қучсайдим  
Бир бор күрсайдим  
Ё Раб соғинганим Расулим  
Муҳаммад соллаллоҳу алайҳи васаллам

**Саодат Ахмад**